

玄音徹太清太上輝金容衆仙齊應聲十方  
 散香花燼煙栴檀馨皇娥奏九韶鸞鳳諧和  
 鳴龍駕翳空迎華蓋耀香冥脩間劫仍臺帝  
 釋條降度八王奉丹液挹漱身騰輕道遙有  
 無間流朗絕形名神重俠侍側自然朝萬靈  
 飄飄八景與遊宴白玉京七祖昇福堂先亡  
 悉超生王侯能篤信必爲天下貞大人體至  
 德一切兼其成其三曰散誕遊山水吐納和  
 靈津鍊氣同希夷靜誦道德篇至心宗玄一  
 冥感今乃宣飛駕御九龍飄飄乘紫煙華景  
 耀空衢紅雲擁帝前暫迂蓬萊宮倏忽已賓  
 天偉偉衆真會渺渺凌重玄體固無終劫金  
 顏隨日鮮懽樂忘上境悲念一切人誰能離  
 死壞結是冥中緣悠悠成至道無有人無間  
 微妙良難測智者謂我賢若能弘衆妙輕舉  
 昇神仙歌畢雲輿舟昇天而去仙公所著  
 老子道德經序及斷穀服食方三卷入山精  
 思經十九卷洎神仙歌詩令遺世間吳音云  
 先帝好道術有事仙者葛玄嘗與遊處帝重  
 之特爲於方山立洞玄觀後仙公於閩阜白

日昇天至今方山猶有煮藥鑪及丹臼在焉  
 按輿地志於赤鳥二年建立方山觀也宋徽  
 宗崇寧三年二月二十八日奉勅臨江軍清  
 江縣閭阜山葛仙公壇山川勝境仙聖所居  
 其威德茂功顯聞于世者朕必秩而祀之惟  
 真人寄言立稱威造宗極出入無吟與道翺  
 翔壇于琳宮積有年所析穰休息美利在民  
 賜嘉褒榮特建崇號尚祈歆懌永福此邦可  
 特封冲應真人理宗淳祐六年三月十七日  
 奉勅臨江軍清江縣管下閩阜山葛仙公冲  
 應真人莊周氏云神人使物不疵厲而年穀  
 熟仙之謂歟爾修于名山以成妙道世傳飛  
 昇尚矣在崇寧間固已錫封迺者都使者從  
 邦毗之請復以祈禱應響歲事屢豐之狀來  
 上朕於方士說無所嗜嘉其有功於民爰命  
 禮官用衍稱謂若夫乘雲御風游乎八極之  
 表何有於名然姑以見朕褒表之悅也可特  
 封冲應孚佑真人

歷世真僊體道通鑑卷之二十四 漢四  
 游雲山至壽萬年言道士趙道二錄修  
 鄭思遠  
 鄭思遠少爲書生善律曆候緯晚師葛孝先  
 受正一法文三皇內文五嶽真形圖太清金  
 液經洞玄五符入廬江馬迹山居仁及鳥獸  
 所住山虎生二子山下人格得虎母虎父驚  
 逸虎子未能得食思遠見之將還山舍養飼  
 虎父尋遠休思遠復思遠每出行乘騎虎父  
 二虎子負經書衣藥以從時於永康橫江橋  
 逢相識許隱具煖藥酒虎即捨柴然火隱患  
 齒痛從思遠求虎鬚欲求熱挿齒間得愈思  
 遠爲之拔之虎伏不動  
 巨道一曰道德經曰上善若水水善利萬  
 物而不爭思遠可謂上善者也至於養道  
 林泉仁及鳥獸且虎乃害人之獸人共惡  
 之思遠乃憐虎子之失母收而飼之古人  
 所謂養虎自患者此必然之理而思遠不  
 見其爲患且負經書衣藥以從及捨薪而  
 然火可謂道之高德之厚上善之感也

歷世真僊體道通鑑卷之二十三

葛洪

葛洪字稚川丹陽句容人少好學家貧躬自  
伐薪以貨紙墨夜輒寫書誦習遂以儒學知  
名性寡慾無所愛玩不知棋局幾道博蒲齒  
名為人木訥不好榮利閉門却掃未嘗交遊  
時或尋書問義不遠千里崎嶇冒涉期於必  
得遂覽究典籍尤好神仙導養之法從祖玄  
吳時學道得仙號曰葛仙公以其煉丹秘術  
授弟子鄭隱洪就隱學悉得其法焉晉成帝  
咸和初司徒王導召補州主簿後遷為散騎  
常侍領大著作洪固辭不就以年老欲煉丹  
以期遐壽聞交趾出丹砂乃求為句漏令帝  
以洪資高不許洪曰非欲為榮以有丹爾帝  
從之洪遂將子姪俱行至廣州刺史鄧嶽留  
不聽去洪乃止羅浮山煉丹在山積年優游  
閑養著述不輟其自序云洪體乏進趣之才  
偶好無為之業假令奮翅則能凌厲玄霄騰  
足則能追風躡景猶欲戢勁翻於斥鷃之群  
藏逸迹於波瀾之任何況大塊稟我以尋常  
之短羽造化假我以至駕之蹇足自卜者審

不能者止宜敢力蒼蠅而慕沖天之舉策跋  
鼈而追飛兔之軌哉是以望絕於榮華之塗  
而志安乎窮圯之域藜藿有八珍之甘蓬華  
有藻稅之樂也世儒徒知服膺周孔莫信神  
仙之書不但大而笑之又將謗毀真正故予  
所著子言黃白之事名曰內篇其餘剝難通  
釋名曰外篇內外凡一百一十六篇雖不足  
藏之名山且欲緘之金匱以示識者自號抱  
樸子因以名書洪博聞深洽江左絕倫著述  
篇章富於班馬又精辨玄贖析理深微後忽  
與嶽疏云當遊行尋師剋期便發嶽得疏後  
須往別而洪坐至日中兀然若睡而卒嶽至  
遂不及見年八十一視其顏色如生體亦柔  
輒舉尸入棺甚輕如空衣世以為尸解得仙  
云史臣曰稚川束髮從師老而忘倦納奇丹  
府總百代之遺編紀化仙都第九丹之秘術  
謝浮榮而捐雜蕪賤尺寶而惜分陰游德樓  
真超然方外全生之道其最優乎出晉書眉山  
唐庚子西贊云江左日陋無復德輝翔而不  
集翩然南飛鄧嶽細兒處仲餘黨豈有識知

亦復瞻仰吾緣內丹遂居羅浮豈以嶽故而  
議去留所就者大寧邨其小吾與嶽遊如狎  
鷗鳥出羅浮

臣道一曰道德經云寵辱若驚貴大患若  
身葛洪以才學之優棄功名之貴夫豈無  
其故哉蓋晉室自東遷之後奸臣構禍王  
道衰微奇士異人不一二作紛紛江左何  
時定乎葛洪之見可謂出於類拔乎萃矣  
是以避世無聞樂道全真遺寵而辱不及  
忘身而患不至卒能終始於學仙道克成  
後之道者宜取則焉

黃野人

黃野人葛仙之弟子也或云葛稚川樓山煉  
丹野人隨之葛既仙去留丹於柱石之間野  
人自外至得一粒服之為地行仙今肉身常  
在世間有緣者或遇之出羅浮後有人遊羅  
浮宿留巖谷間中夜見一人身無衣而紺毛  
覆體意必仙也乃再拜問道其人了不顧但  
長笑數聲響振林木歌詩云雲來萬嶺動雲  
去天一色長笑兩三聲空山秋月白其即野

人明矣又宋度宗咸淳中容有戴鳥方帽著  
韉往來羅浮山中見人則大笑反走三年不  
言姓名它日醉歸忽取煤書壁上云雪意不  
知滄海春光欲上翠微人間一墮千劫猶愛  
梅花未歸書畢度海而去豈非野人之傳侶  
乎

楊羲

真人楊君名羲晉咸和五年庚寅九月  
生似是吳人來居句容學道於茅山為人潔  
白美姿容善言笑攻書好學該涉經史性淵  
懿沉厚幼有通靈之鑒與二許早結神明之  
交二許者遠遊許邁長史許穆也長史薦於  
相王用為公府舍人以穆帝永和初受中黃  
制虎豹法六年又就劉璞傳靈寶五符璞即  
魏夫人長子也君淵沉應感虛抱自得若燥  
濕之引水火冥默幽歛相襲無昧矣年三十  
六以哀帝興寧三年乙丑歲衆真降授道要  
有若上相青童君太虛真人赤君上宰西城  
王君太元茅真人清靈裴真人桐栢王真人  
紫陽周真人中茅君小茅君范中候荀中候

紫光夫人南嶽夫人右英夫人紫微夫人九  
華安妃昭靈夫人中候夫人莫不霓旌暗曳  
神響潛珠紛紛屬乎煙霄淪蹤收於俗躔  
聲金響於君月無曠日歲不虛矣君師魏夫  
人儼九華而朋於諸真故九華安妃云明君

靈質虛閑秘構玉朗蘭洲高流清響金宮必  
高佐四輔承制聖君理生斷死賞罰鬼神攝  
命千靈封山召雲主察陰陽之和氣為吳越  
鬼神之君也後二十二年將乘龍駕雲白日  
昇天矣今若不耐風火之煙可尋劍解作告  
終之術也又玄清真人謂羲曰夫學道當如  
射箭箭直往不顧乃逆朔的标志入山惟往  
勿疑乃獲至真羲悉受動行得仙晉簡文帝  
後師羲得道義後果劍解隱化真語算以孝  
武帝太元十二年丙戌去世弟子許翹嗣父  
穆亦因君過真故許氏九人雖道慶自先數  
至神發如塵鑑燦照輝瑩之功並歸于君矣  
太元十三年君乃乘雲駕龍西謁太素北朝  
玉清輔佐東華總括吳越人鬼神靈之司丹  
臺錄云為東華上位

許翹

雷平山真人許翹字道翔小名玉斧父穆晉  
護軍長史其位上清左卿母陶氏名科斗先  
於長史入洞為易遷宮夫人真人幼獨標挺  
含真淵巖長史器異之郡舉上計掾主簿並  
不赴清秀瑩潔穉穉塵務如泉去蒙盈其科  
而自進居雷平山下師楊君傳三天正法曲  
素鳳文後定錄真人授其上道告之曰學道  
當如穿井井愈深土愈難出若不堅心正行  
豈得見泉源耶真人常願早遊洞室不欲久  
停人間遂詣北地告終即居方隅山洞方原  
館中常去來四平方臺故真語云幽人在世  
時心常樂居焉又楊君與長史書亦云不審  
方隅真人設座於易遷戶中後十六年當度  
東華授書為上清仙公上相帝晨譜云年三  
十而不記去歲按二錄晉海西公太和二年  
丁卯時年二十七歲則是咸帝咸康七年辛  
丑生真語注云咸和六年生自太和三年以  
後無復顯迹依譜年三十則庚午年去世者  
舊傳云在北洞北石壇上燒香禮拜因伏而



不起明且視形如生壇今猶在又云從張鎮南受衣解法蓋夜於壇上去耳娶建康令黃演女生男黃民乃還家

許黃民

臨沮令許仙人名黃民字玄文上清仙公翻之子上清左卿穆之孫以晉穆帝昇平五年辛酉生娶西陽令葛萬安女萬安是地村子第二孫也時年二十一仕郡主簿察孝廉司農丞南蠻參軍臨沮令惠帝永興三年京畿紛亂令乃奉經入剝為馬朗所翹敬朗從父弟罕亦相周給時人咸知許先生得道又父祖皆有名稱各加崇敬宋文帝元嘉六年欲移居錢塘乃封其真經一厨作朗靜中語此是仙靈之迹縱有書亦勿與人及至杜道鞠家停少時而終時年六十九其語言黃民及伯祖穆姑

及於後世陸君馬氏書中凡黃籍畢之亦而無容入其妙焉

陸修靜

廬山陸先生吳興懿族陸氏之子諱修靜道降元氣生而異俗其色怡怡其德應應明以啓者虛以貫幽少宗儒氏墳索讖緯靡不總該以為先天輔化混一精氣與真宰為徒者載在金編玉宇逮收迹寰中冥搜清衡熊湘暨九疑羅浮西至巫峽我眉如雲映松風麗乎山而映乎水功成叩玄感神授神靈訣適然自得通交於仙真之間矣宋元嘉末因市藥京邑文帝素欽其道風作停霞寶車使左僕射徐湛宣旨留之先生固辭弗顧拂衣而去後帝有太初之難人咸異之先生時游江南尤嗜巨阜之勝繫孝武帝大明五年爰構精廬於白雲峯下太始三年明帝復加詔命使刺史王景文敦勸不得已而就焉及登車日乃有熊虎猿鳥悲鳴滿路出山而止先生既至闕帝設崇虛館通仙臺以待之於是順風問道妙沃帝心朝野識真之士若水奔壑如風應虎其誰能禦之先生撥霧開日汰沙

引金指方以倒之中人已上皆自盈其分司徒表擊之流是也既立崇虛館又氏所寶經訣並歸於彼由是翕然一變頽俗朝野宗師焉明年帝不豫詔請先生修塗炭之齋是夕壇宇間卿雲紛紛翌日疾瘳桂陽王用兵暴白骨徧野先生具棺櫬收而瘞之其陰德密運蓋多此類先生屢求還山帝不許追蒼梧王元徽五年春正月忽謂門人曰吾迫於恩命違其宿尚今將還舊山爾可飭裝整駕弟子皆迂之至三月二日忽偃然解化其膚體暉映異香芬馥後三日廬山諸徒共見先生霓旌飄然還止舊隱斯須不知所在相駭驚而異之遺命盛以布囊投所在崖谷門人不忍遂奉還廬山時春秋七十二所謂煉形幽壤騰景太微者矣有詔謚曰簡寂先生始以故居為簡寂觀宗有道也先是洞真之部其偽混清先生刊而正之涇渭乃判故齋戒儀軌為將來典式凡撰記論議百有餘篇並行於世門徒得道者孫遊嶽李果之最著梅首後孔德彰與果之書論先生云先生道冠中

都化流東國帝王稟其親人靈宗其法微言  
既絕大法將謝法師稟神定之資居入室之  
品學悟之美門徒所歸宜其整葺遺蹤提綱  
振紀先師之餘化慕妙道之遺風可以導  
引末俗開曉後途者矣初先生之赴詔也嘗

曳布囊及遊而歸忽有布囊挂於巖樹今所  
居西澗一峯名布囊巖有醮石高六七尺方  
廣大餘其向乾亥亦名禮斗石門外有煉丹  
井有連理樹其輪合抱其根蟠罩又有石磨  
其聲清越又有藥苗苦竹豆於山谷皆遺跡

也唐天后太極元年勅離於觀有異龍群鶴  
之異降詔褒崇仍付史館宋徽宗宣和元年  
七月一日封丹元真人其詞曰朕惟前古高  
蹈之士名迹不泯而稱號未稱者議所以追  
顯之簡寂先生陸修靜精其內得是正遺經

垂範一時脫然超世虛阜故隱有祠至今考  
實定名禮以真人之號非特用褒往躅亦俾  
後之聞風者知道之所在而加勉焉可持封  
丹元真人陸修靜解化於宋之元徽而舞氏  
通鑑載梁敬帝紹泰元年道士陸  
修靜等初為梁武所棄遂奔入魏至是其教  
頗盛而齊齊事佛靜等嫉之詣開請與釋子

猶法且以年代考之元徽去紹泰  
六十餘年其所載事迹豈非謬乎

孫遊藏

先生姓孫名遊藏字穎達東陽人吳之裔也  
幼而恭長而和其靜如淵其氣如春甄汰凡  
流潛神布微嘗步赤松瀾縉雲堂卜終焉之  
地宋文帝太初中簡寂先生至廬藏乃執籍  
事之遂授三洞經法及楊許二真人墨迹其  
後茹芝却粒又專服穀仙丸六十七年顏色  
精爽久而愈少暨簡寂羽化還舊隱研味真  
趣至齊武帝永明二年詔主興世館由是奇  
逸之士爭相趨赴若孔德璋劉孝標輩皆結  
方外之好雖常以病求歸詔命未允以七年  
五月中忽沐浴安坐而終門弟子數百人惟  
陶弘景為入室以三洞經及楊許墨迹賜篋  
相付後弘景因撰真誥行於世

陶弘景

隱居先生姓陶名弘景字通明丹陽人也宅  
在白楊巷南岡之東宋初土斷仍割秣陵縣  
西鄉之桐下里至今居之陶氏本冀州平陽  
人帝堯陶唐之苗裔也堯治冀州平陽故因

居焉漢興有陶舍為高祖司馬子青權位至  
丞相十三世祖超漢末渡江始居丹陽七世  
祖濟交州刺史瑱之弟仕兵為鎮南將軍封  
句容侯食邑二千戶與孫皓俱降晉拜議郎  
散騎常侍尚書六世祖謨濟之第三子懷帝  
永嘉中為東海王越司馬領屯軍隨王出許  
昌因敗仍復過江為大將軍王敦參軍敦為  
丞相轉軍諮祭酒後隨敦南下而情懼禍及  
乃格分屬籍禁錮積年晚起為車騎丞相參  
軍不就穆帝昇平四年卒始別葬白石山之  
陽瞻湖北高祖毗有理識器幹高奇以文被  
黜不肯遊宦州郡辟命並不就後授受南安  
正佐亦不起安帝元興三年卒曾祖興公多  
才藝頗管產植舉郡功曹察孝廉除廣晉縣  
令義熙二年卒祖隆身長七尺五寸美姿狀  
有氣力便鞍馬善射好學讀書善寫兼解樂  
性常行拯救為務行參征南中郎軍事侍從  
宋孝武伐逆有功封晉安侯除正佐固辭顏  
峻侍寵就求宅以易佛寺弗與因辭官見諸  
削爵徙廣州後被恩除南海西平縣令後監





為此職驛馬非驥駮猶欲固辭度切言之云  
大元以來此官皆用名家如裴松之從此轉  
員外郎但問人才若官何所枉君恐為爾誤  
我事于時正被委任總知諸王府事先生不  
獲已而拜矣年二十九清溪宮新成帝宴樂

之先生拜表獻頌又有伏曼容亦上賦於是  
勅遣中書省舍人劉係宣旨褒贊并勅豫舊  
宮金石會于時上意欲刻此頌於石碑王儉  
沮議而止時獻賦者五人惟以先生為最將  
欲遷擢會丁母憂去職尋授振武將軍起特  
賜酒食省祿隨宜都王赴京帝欲幸武進宮  
先生復作頌頌成而車駕廢不復得奏云此  
頌體制美絕倍勝舊格三年還都除奉朝請  
拜竟快與從兄書云昔仕宦應以體中打  
斷必期四十左右作尚書郎出為浙東一好  
名縣粗得山水便投菴高邁宿昔之志謂言  
指掌今年三十六矣方除奉朝請此頌願可  
知矣不知早去無自勞辱明年五月遂拜表  
辭職求託山林青雲之志於斯始矣是歲武  
帝永明十一年壬申歲也先生初隱不欲辭

省出乃脫朝服掛神虎門鹿巾徑出東亭已  
約語左右曰勿令人知爾乃往與王晏語別  
晏云主上性至嚴治不許人作高奇事脫致  
忤旨坐貶罪欲便恐違卿此志詎可作先生  
默思良久答云于本徇志非為名若有此慮

奚為所宜於是即不詣省直上表陳誠南史  
云未  
別勅月給茯苓五斤白蜜二升以供服餌先  
生既遂命理舳東下公卿餞於征虜亭悵悵  
甚盛車馬填咽咸云江東比來未有斯事乃  
見今日爾於是止於句容之句曲山先生云  
此山是金壇洞官周迴百五十里名曰華陽  
之天有三茅司命之府故名曰茅山乃中山  
立館自號華陽隱居亦猶士安之玄晏推川  
之抱樸凡人間書疏皆以此號代名先生善  
誓古訓誥七經大義備解而不好立義異於  
先儒議論惟著紙不甚口談尤好五行陰陽  
風角氣候太一遺甲星曆算數山川地理方  
國所產及醫方香藥分劑蟲鳥草木考校名  
類莫不該悉善隸書不類常式別作一家骨

體勁媚琴棋騎射亦皆領括為性圓通謙謹  
出入冥會心知明鏡遇物便了言無煩外有  
亦隨覺為人少憂戚無嫉競羨樂喜怒  
先生以甲子乙丑丙寅三年之中就與世館  
主東陽孫遊徽咨稟道家符圖經法難相承

皆是真本而經歷摹寫有意所未愜者於是  
更博訪斤以正之戊辰年始往茅山便得揚  
許手書真迹欣然感激至庚午年又落假東  
行浙越處處尋求靈異至會稽大洪山謁居  
士婁慧明又到餘姚太平山謁居士杜京產  
又到始寧苑山謁法師鍾義山又到始豐天  
台山謁朱僧標及諸處宿舊道士并得真人  
遺跡十餘卷遊歷山水二百餘日乃還爰及  
東陽長山吳興天目山於潛臨海安固諸名  
山無不畢踐身本輕捷登陟無難南史云備  
歷名山尋  
訪仙藥身既輕捷性愛山水每經湖谷必坐  
卧其間吟詠盤桓不能已已謂門人曰吾見  
朱門廣廈雖其華樂而無欲性之心室瞻  
高岸臨大洋知此難立止自恒欲就之  
賸  
恤寒接拯救危急救瘼疾恙朝夕無倦其別  
有陰息密惠人莫得而知之雖借人書隨誤  
治定東昏侯永元初更築三層樓先生處其

上弟子居其中賓客至其下與物逐絕惟一家僅得至其所本便鞍馬善射晚皆不為惟聽吹笙而已特愛松風庭院皆植松每聞其響欣然為樂有時獨遊泉石望見者以為仙人性好著述高奇異顧惜光景老而彌篤尤明陰陽五行風角星算山川地理方國產物醫術本草帝代歷年以算推知漢熹平二年丁丑冬至加時在日中而先天實以乙亥冬至加時在夜半凡差三十八刻是漢曆後天二日十二刻也又作渾天象高三尺許地居中央天轉而地不動二十八宿度數七曜行道分明中星見伏早晚以機轉之悉與天相會云此修道所須非但史官家用又欲因流水作自然漏刻使十二時輪轉循環不須守視而患山澗水易生苔垢參差不定是故未立先生行步舉動翩翩利顏儀和明不嚴毅小大見之皆樂悅附而自令人畏服門徒胥附承奉祗肅有如宮庭小來與人有隔數歲便不與人共既著飲食及長遊處宿息常安性不嘲調世中戲誑一切不為為人惡精

塊夜行獨宿無所疑畏深慕張良之為人云古賢無比率任輕虛飄飄然有雲霞氣其所修為皆自得於心非傍識能及至水元二年深託向晦及梁武帝革命議國號未定先生乃引諸識記果是應運之符又擇郊壇日靈驗昭著勅使入山宣旨酬謝帝既早與之遊及即位後恩禮彌篤書問不絕冠蓋相望既得秘訣以為神丹可成每苦無藥帝皆給之帝每得其書燒香虔受帝使造年曆至己己歲而加朱黹實太清三年也帝手詔招之錫以鹿皮中後屢加禮聘先生乃畫兩牛一牛散放水草之間一牛著金絡頭有人執繩以杖驅之帝笑曰此人無所求欲曳尾龜豈有可致之理耶國家有大事無不前以諮詢時人謂之山中宰相武帝天監四年移居積金東澗先生行辟穀導引之法自隱處四十許年逾八十而有壯容大通初獻刀二口一名善勝一名成勝為佳寶大同二年剋日告化時年八十五顏色不變屈伸如常屋中香氣積日不散詔贈中散大夫謚貞白先生仍

遣舍人監護後事弟子數十人唯王遠知稱上足焉先生妙解術數逆知梁祚覆沒預制詩云夷甫任散誕平叔坐談空不意昭陽殿化作單于宮詩秘在薩裏化後門人稍出之大同末士人競談玄理不習武事後侯景篡位果在昭陽殿所著學苑百卷孝經論語集註帝代年曆本草集註效驗方肘後百一方古今州郡記圖象集要及玉匱記七曜新舊術疏占疏合丹法式其秘密不傳及撰而未訖又十部惟弟子得之梁帝金縷子云於隱士重陶貞白於士大夫重周弘正其於義理情轉無窮真一時之名士也馬樞得道傳云陶弘景授蓬萊仙監上文所載多同南史。臣道一曰道德經云以正治國以奇用兵以無事取天下又曰兵者不祥之器非君子之器不得已而用之恬倏為上勝而不美而美之者是樂殺人夫樂殺人者不可得志於天下矣老氏之意蓋欲追遠太古曩黃唐虞之風務質樸而不尚虛華使君臣上下遠聲色去奢侈而成清靜之化不



至於窮兵黷武而滅無為之治也後世之人不省厥旨乃以清談縱誕為奇其蒞政或偏於姑息而不明賞罰或放於怠惰而不務勤恪或病於疎鹵而不究精微或恃高才而驕傲忽略其弊不一至大敗於晉朝君臣之間淪及後來有臨兵而講老子道德經者至是老子之道為之受汙使能深識老氏之道者果如是乎陶弘景遭逢亂世棲逸山林其觀朝政之弊有詩曰夷甫任散誕早叔坐談空不意昭陽殿化作單于宮時梁武以釋學治天下朝臣亦競談玄理為政乖繆武備不修漸至覆亡其國故弘景之詩及之弘景學老氏之學者也後世學老氏之學而立人之朝者可不深味其旨哉

歷世真像體道通鑑卷之二十四

歷世真像體道通鑑卷之二十五

淡五

浮雲山聖壽萬年宮道士趙道一編修

王遠知

道士瑯琊王遠知陳揚州刺史曇首之子外祖丁超梁駕部郎中其母因夢靈鳳有娠僧寶誌曰生子當為神仙宗伯也年七歲日覽萬言博總羣書心冥至道年十五入華陽事陶貞白先生授三洞法又從宗道先生城矜傳諸秘訣陳主召入重陽殿特加禮敬賞資送還茅山先生乃於洞西北嶺上結靖室以居研味玄秘陳宣帝大建末靖室中忽有一神人醉卧嘔吐先生然香禮候神人曰吾將遊天台山卿能去否先生即隨出上東嶺至山半忽思未二三弟子付囑經書背行十餘步迴望神人化為鶴飛去隋晉王廣鎮揚州王子相柳顧言相續奉請先生既至斯須而鬚髮變白王懼而歸之少選復舊王踐祚勅崔鳳舉諮逐帝親執弟子禮勅江都起玉清玄壇以處之仍令代王越師馬唐高祖龍潛時先生嘗密告符命秦王與房玄齡微服

就謁先生迎謂曰此中有聖人秦王請以實告先生曰方作太平天子願自愛也秦王詣先生受三洞法及登極將加重位固辭歸山至太宗貞觀九年勅潤州於茅山置太平觀并度七人降靈書曰朕昔在藩朝早獲聞道眷言風範無忘寤寐近覽奏請歸舊山已有別敕不違高志所令置觀用表宿心先生浩氣虛懷語然一致涵煦如鏡應物無私時有寶德玄先經揚州邊司命使者言其有重祿以九九之數當終命德玄求哀使者言具人王法主是少室仙伯檢錄人鬼之任關奏天曹無不即應德玄遂懇祈於先生先生不得已因與請命使者報曰更延十三年至高宗朝德玄為左相捐館舍之日言皆如之故舉世呼先生為法主又知已授仙職後謂潘師正曰吾昨見仙格以小時誤傷一童子唇不得白日昇天著少室仙伯將行有近翌日沐浴加冠衣焚香而寐告化時年一百二十一歲潘師正給道邈同得秘訣為入室弟子陳羽王軌次之其餘各樓洞府終身無晉高